



續資治通鑑長編卷二百五十五

宋 李燾 撰

神宗

熙甯七年八月丙寅朔鄜延經略使趙鼎言秋稼不登
欲不候民訴放稅及自冬初日給闕食弓箭手常平米
人一升半不足於省倉借給從之并詔近縣城寨秋田
未成者亦優加賑濟 上批提舉市易司奏市易二年
收息錢九十六萬餘緡累準朝旨已支九十五萬緡可
契勘何月日指揮支往何處訖無行遣朱史削去以爲
支撥息錢不合書新本亦
削去今復存之此亦
可見市易司爲欺也 詔軍器監於諸路州軍除知縣
外許不拘常制選官計會轉運司剗刷州縣牛皮筋角
如能點檢失陷及擘畫拘收數多者等第酬獎朱本有
此新本

以爲一時指揮削去都提舉市易司言奉詔支息錢二十萬貫

付定州安撫司封椿欲兌三司京東折斛錢差使臣運

致以往詔知定州薛向如欲以京東錢就本處擘畫轉

物貨卽依都提舉市易司所申奏朱本有此新本以爲一時指揮削去

丁卯詔瀛州以省倉糧三萬石博買絲縣正帛 賜河

東轉運司絹十萬市糧草 前知合州比部郎中劉嶠

與堂除前知懷安軍駕部員外郎黃沐令轉運司劾罪

以梓州路察訪熊本言嶠議役法不爲暴橫所奪累有

申請皆可施行沐根括居民引簷錢以資公使故也新本

從朱本削去今存之江淮發運司言淮南轉運司歲計已辦及

量減外少數尙十七萬七千餘石乞蠲減詔放七萬石

餘許次年補填 詔自今進奉蠻舊借役人馬者給遞

馬如不足以免役錢差顧

戊辰詔募真定府邢洺磁相趙州闕食流民修城壕真定府委守臣孫固餘委轉運判官李稷提舉仍半月一具已興修次第及支錢糧數以聞

己巳皇城副使兼閤門通事舍人知階州劉昌祚爲西京作坊使走馬承受內供奉官徐禹臣爲供備庫副使寄資賞討階州峯貼硤隴通族蕃部之勞也昌祚先爲秦鳳路都監知甘谷城張詵將開邊遣侍禁王世文往階州峯貼硤集蕃酋犒設而誘說之眾疑曰是欲表裏熙河取我地爾卽嘯聚大羅蘇木嘉族攻焚峯貼硤寨殺寨官軍民邊候甚急詵憂懼不知所爲卽表乞昌祚知階州昌祚至遂討平之以功轉皇城副使於是進討

豐州改作坊使

此據張舜民誌墓昌祚有不許他路兵就熙州改刺奏請當檢附

詔

淮南東路災傷州軍巡檢縣尉令本路監使不拘常制

奏舉候豐歲如舊

又詔河北轉運使同外都水監丞

司相度減省河上冗占官吏以聞

朱本削去

知開封府兵

曹參軍兼刪定司農寺條例吳安持言昨同呂嘉問詳

定行戶條貫續差孫永體問利害供析事狀不無異同

乞罷知兵曹參軍從之

崇政殿說書呂升卿言淮東

民所出役錢差重甚有願減錢應募之人尋召五十八

人者專勾當諸場務嘗奏一路依此施行乞付轉運副

使俞充相度仍兌糴發運司許糴上供米三十萬石與

本路闕軍糧處令轉運司依價撥還從之

此可見升卿舍講說而言

財利事也新本削去今存之

庚午右武衛大將軍仲綰領開州團練使仲理榮州團練使右監門衛大將軍仲眞領文州刺史並以學士院召試中等也 光祿寺丞陳象古上書言所生母董氏

嫁爲孫氏婦迫於飢寒願許歸臣家詔開封府審問仍給以緡錢 詔知成都府蔡延慶兼提舉戎黎州買馬

其令選舉官具名以聞 詔監司每半年一具有無措

置改正事及保舉發摘屬官申中書考察如有可以施行卽下所司令遍關所屬從河北轉運判官呂溫卿請也 詔蠲廬蘄等州民所欠熙甯五年秋六年夏免役

錢州縣嘗於不當役之家例使均出者速改正除放

賜知鳳翔府光祿卿劉襲禮獎諭敕書襲禮須城人以

應副熙河軍須九十萬有勞故也

襲禮傳元豐二年八月

辛未詔鄜延環慶州保安軍民闕食者其夏稅已蠲減外更權倚閣

壬申詔河北非災傷州縣並排保甲監司其務勸誘習四種武藝農隙閱試戶四等以下官給弓弩軍器監勘會相度以聞罷諸路剗刷錢帛官先是上批問三司

見差是何官在淮南剗刷錢帛中書言司門郎中王道恭太子中舍趙鼎詔罷之上朱史削去今復存之秦鳳

路轉運使熊本言夔戎二州舊無邊事守令惟用武人

吏民病之乞自今並選文臣從之

癸酉詔前權京東路轉運判官太子中舍王子淵送審官東院差通判洋州坐擅於密州置市易務借官錢市

乳香也

蘇轍龍州畧志云熙甯中王子淵爲京東轉運判官知密州海舶多私販乳香卽明召舶客入

官中以賤價收之自以爲奇言於朝廷中書戶房檢正
官向宗儒得之喜曰此法所禁子淵爲監司知人犯法
不能禁而出錢買之此罪人也子淵旣得罪香皆沒官
一時以爲奇策元祐初販香者訴之朝廷令戶部支還
七分錢議者以爲過猶不及也

甲戌詔岷州將官皇城副使劉惟吉領英州刺史內藏
庫使孫眞並爲皇城使隊將以下各第遷及減磨勘年
賞討蕩岷州擾邊蕃部之功也 詔京西轉運司具賑
濟流民事狀司農寺具所興修農田水利次第 大禮
使韓絳乞差檢正中書禮房公事向宗儒提點南郊事
務從之其後每遇大禮從中書選差官兩員通管或只
差一員

丙子詔久旱禱雨未應其令長吏躬禱嶽瀆聞涇原環
慶鄜延路自七月後得雨其闕麥種者官貸之官無麥

種卽借錢糴

詔涇原環慶鄜延永興秦鳳等路轉運

司同帥臣議抽減緣邊軍馬從之內地或住營州軍以

弓箭手代之陝西諸路闕食故也又詔聞鎮趙邢洺

磁相之民南涉者人數不少可令河北西路轉運常平

倉司疾速具見今賑濟次第以聞

此據御集

賜夔州路轉

運判官董鉞緋章服轉運使孫珪獎諭敕書銀絹二百

知施州寇平前卒賜其家銀絹半之餘減磨勘年有差

以熊本言鉞等招諭施州蠻田忠現等有勞也樞密

院進呈入內供奉官保州廣信軍走馬承受公事任克

基奏體量得廣信軍榷場北客算請行貨急速及皇城

使知廣信軍王臨殿中丞通判廣信軍路拯奏本軍榷

場北客近來入納行貨稀少算請行貨比舊日稍似繁

急并據定州路都總管兼安撫監牧使薛向奏體量得
廣信軍榷場見今北客買賣並依常例兼比算得見今
錢物卻少如遞年別無急要大段結計還前數詔王臨
路拯任克基所陳與體量事實各有異同王臨路拯令
河北西路轉運司任克基令開封府並勘罪以聞

此時據政

記八月九日
事今增入

丁丑賜環慶安撫司度僧牒千以備賑濟漢蕃饑民也
兵部郎中集賢殿修撰張芻爲遼主生辰使皇城使
忠州刺史石鑑副之屯田郎中權管勾三司開拆使韓
鐸爲正旦使內殿崇班王謹初副之知制誥章惇爲遼
國母生辰使引進使忠州團練使苗綬副之衛尉少卿
宋昌言爲正旦使西京左藏庫副使郭若虛副之綬辭

疾改命引進使周永清永清又辭以母病改命東上閣

門使李評既而惇爲察訪命知制誥許將代之時敵以

兵二十萬壓代州境遣使請地歲聘使多憚行將獨欣

然承命張芻請代州事詔答以不知將入對曰臣備侍

從朝廷大議不容不知北人度臣不敢及代州事言稍

相侵不有以折之則傷國體卽詔詣樞密院閱文書遂

爲例及至敵館伴蕭禧果以代州事問將將屢屈之乃

不敢言

此據將本傳增入更須考詳

太常寺言大駕鹵簿五輅之

副各陳于後謹按周禮車僕凡師共革車各以其萃釋

者謂諸萃各從其元則諸輅之副宜次正輅又革車本

前代宮中所乘五牛旗蓋古之五時副車也以木牛載

旗用人輿之失其本制二者謂宜省去並從之 詔編

修敕令刪定官大理寺丞丁執禮升一任以編修歲計成書也

戊寅詔京西路安撫司流民依乞人法日給口食至九月止不足以常平米充又詔成都府利州路轉運等司賑濟饑疫具次第以聞

己卯提舉編修司農寺條例司請新增縣丞主簿就充給納官從之遣勾當御藥院李憲往相州賜韓琦詔

書湯藥

此據御集必有所爲當考或無他則削之

庚辰檢正中書五房公事李承之言在京臣僚所請添支食錢等皆輕重不均及所給人從亦無定制以至吏祿多寡皆當著爲通法詔承之與孔目房檢正官刪定辛巳詔開封府界所放秋稅及五分以上戶其去歲秋

稅及佃牧地租並權倚閣 上批眞定府邢洺磁相趙
州流民日過京師而磁州之數尤多雖屢詔當職官司
賑濟都不見施行次第可令轉運等司速具析以聞
參知政事呂惠卿言常平錢糧並據願請成貫石給納
日收息二分如願以糧銀絹絲紬綢布折納者聽元請
糧納本色者每石息毋過二斗給納並約中價物少不
盡其錢貼錢以納錢少不盡其物餘錢聽給其第三等
以下戶免役錢願折納者準此從之

壬午命翰林學士兼侍讀學士元絳權三司使絳乞免
赴講筵從之 權戶部副使太常少卿賈昌衡兼都提
舉市易司大理評事編修司農寺條例刪定官吳安持
爲太子中允兼權發遣同提舉市易司 翰林學士行

起居舍人權三司使曾布落職以本官知饒州都提舉
市易司國子博士呂嘉問知常州軍器監獄具布坐不
覺察吏人教令行戶添飾詞理不應奏而奏公罪杖八
十嘉問亦坐不覺察雜買務多納月息錢公罪杖六十
而中書又言布所陳治平財賦有內藏庫錢九十六萬
緡當於收數內除豁布乃於支數除之令御史臺推直
官蹇周輔劾布所陳意欲明朝廷支費多於前日致財
用闕乏收入之數不足爲出當奏事詐不實徒二年而
有是命魏繼宗仍追一官勒停初市易之建布實同之
旣而揣上意疑市易有弊遂急治嘉問會呂惠卿與布
有隙乘此擠布而議者亦不直布云周輔雙流人也
癸未翰林侍讀學士楊繪陳繹並爲翰林學士已而知

制誥兼知諫院鄧潤甫言嘗論陳繹過惡今繹除翰林

臣適當制乞令以次當制官撰辭詔罷繹命先是潤甫

嘗言鄧州卒陳美齊貴夜入州廨與婢姦殺繹子及其

婦繹自見閨門狼籍一切寬貸庇覆鄧州所劾與轉運

司奏不同乞遣官覆案故也龍圖閣待制權御史中

丞鄧綰兼直學士院綰代繹乃甲申殿中丞王圭為

監察御史裏行未幾圭卒詔賜其家錢百千以御史中

丞鄧綰乞加賜卹也命知制誥直學士院章惇為河

北西路察訪使正月二十七日曾布察訪西路惇光

祿卿直昭文館知荆南潘夙知鄂州從其請也從請據

考知諫院鄧潤甫言近制試刑法者並許離任緣知

縣縣令所總事繁多及推行新法不可闕人自今知縣

縣令不許赴試從之 詔知州通判如遇接送北使雖有服並暫許聽樂如知州武臣在父母服卽許申安撫司權差官發遣 提點編修司農寺條例司呂惠卿言常平錢穀並於民闕乏時月作一料給散陸田多處以二月水田多處以三月爲限隨秋稅起催限年終納足入十二月不納者依欠稅法如蠶麥豐熟許隨夏稅催納毋得過半限滿不足者勿給後料其依條倚閣者不在此限從之 詔諸路監司訪名山靈祠委長吏祈雨又遣輔臣告于中太一宮 天章閣待制周孟陽卒詔官其女壻又例外官其一孫聞其家負官錢并息數千緡悉除之

甲申詔權發遣梓州路轉運使陳忱遷一官權發遣轉